











# শ্রী বিশ্বকর্মা ।

প্রাচীন মূল গ্রন্থ হইতে

অনুবাদিত ।

—

শ্রীযুক্ত নারায়ণ চন্দ্র শীল কর্তৃক

প্রকাশিত ।

এবং

শ্রীলক্ষ্মণ চন্দ্র রক্ষিত কর্তৃক

সংগৃহীত ও সংশোধিত ।



কলিকাতা ।

৩৬ নং সিমুলিয়া ষ্ট্রীট রামায়ণ যন্ত্রে

শ্রীক্ষীরোদনাথ ঘোষ দ্বারা

মুদ্রিত ।

সন ১২৯১ । ১৭ মাঘ ।



## পূর্বভাব ।

বহুতর অন্বেষণের পর হস্ত-লিখিত একখানি  
কোট-দফ্ত পুস্তক অবলম্বন করিয়া এই ক্ষুদ্র গ্রন্থ  
খানি সংকলিত ও প্রকাশিত হইল । শ্রীবিশ্বকর্মা  
এত দিন ভস্মাচ্ছাদিত অগ্নির ন্যায় অদৃশ্যমান  
ছিল । কালক্রমে তাহা প্রবল হইয়া জ্বলিয়া  
উঠিল । আজ কাল প্রাচীন-শাস্ত্র আলোচনায়  
লোকের যত্ন দেখিয়া আমরা এই শ্রীবিশ্বকর্মা  
পুস্তক খানি মুদ্রিত করিলাম । শ্রীবিশ্বকর্মার লেখা  
প্রাচীন পদ্যমালায় লিখিত । নব্য পদ্যমালার  
সহিত প্রাচীন পদ্যমালার ঐক্য হয় না ; এজন্য  
স্থানে স্থানে ভুল থাকিতে পারে । যতদূর সাধ্য  
ততদূর সংশোধন করিয়া দিয়াছি । অনেক স্থলে  
ভুল থাকিতে পারে ; অতএব সহৃদয় পাঠকবর্গের  
নিকট আমার সান্ন্যাস নিবেদন এই যে যিনি যে  
ভুলটি ধরিয়া আমায় দিবেন, তাহা আমি সানন্দে  
গ্রহণ করিব, এবং পরমুদ্রিত কালে সংশোধন  
করিয়া দিব । ইতি—

২ রা জানুয়ারি } শ্রীলক্ষ্মণ চন্দ্র রক্ষিত ।  
১৮৮৫ সাল

ধরমসাই



## শ্রীবিষ্মকশ্মা কি ?

যদি কেহ জিজ্ঞাসা করেন যে, শ্রীবিষ্মকশ্মা কি ? তাহা হইলে আমরা এই পর্য্যন্ত বলিতে পারি যে আমরা যে “বস্ত্র পরিধানে অসভ্য বর্কর জাতি হইতে মুক্ত হইয়া সুসভ্য মানব মণ্ডলীর মধ্যে পরিগণিত হইয়াছি ;—সেই বস্ত্র কি কারণে সৃজিত হয়, তাহার কারণ সহিত ইতিবৃত্ত এই শ্রীবিষ্মকশ্মাতে বর্ণিত আছে ।

এক্ষণে দেখিতে পাওয়া যায় যে পৃথিবীর প্রায় সকল দেশেই বস্ত্র পরিধৃত হইতেছে । হে বস্ত্র পরিধৃত-মানব-মণ্ডলি ; তোমরা বলিতে পার যে কি কারণে এবং কোন্ জাতি কর্তৃক সর্ব প্রথমে এই বস্ত্র সৃজিত হয় ? বোধ হয় তাহা তোমরা জাননা । আহা কি পরিতাপের বিষয় ; যে বস্ত্র পরিধানে জগতের লজ্জারক্ষা হইতেছে সেই বস্ত্রের জন্মাদি বিষয় তোমরা কিছুই জান না যদি কেহ গৃহে বসিয়া এই সকল বিষয় জানিতে ইচ্ছা করেন, তবে তিনি এক এক খণ্ড শ্রীবিষ্মকশ্মা পুস্তক ক্রয় করুন । প্রতারণিত হইবেন না । একবার পড়িতে আরম্ভ করিলে, শেষ না করিয়া থাকিতে পারা যায় না ।

৩ রা জানুয়ারি } শ্রীলক্ষ্মণ চন্দ্র রক্ষিত ।  
১৮৮৫ সাল

খরসরাই ।

## কৃতজ্ঞতা ।



পরিশেষে আমার ব্যক্তব্য এই যে হুগলী  
জেলার অন্তর্গত বেগমপুর গ্রাম নিবাসী বদান্যবর  
শ্রীযুক্ত বাবু নারায়ণ চন্দ্র শীল মহোদয় বহুতর  
বাধা অতিক্রম করিয়াও এই পুস্তক মুদ্রিত কর-  
ণার্থে ৪০ চল্লিশ টাকা প্রদান করিয়া আমাদের  
চিরস্মরণীয় হইয়াছেন । ইতি—

৪ ঠা জানুয়ারি । } শ্রীলক্ষ্মণ চন্দ্র রক্ষিত ।  
১৮৮৫ সাল ।

ধরসরাই ।



# ত্রিবিশুকৰ্মা ।

---

## গণেশের স্তব ।

---

বিঘ্ন-বিনাশন,      গোৱীৰ নন্দন,  
দেব গণেশায় নমঃ ।

মোহাৱ চরণ,      ভাবি বানুক্ষণ,  
সৰ্ব বিঘ্ন বিনাশন ॥

খৰ্ব্ব সুল অঙ্গ,      বদন মাতঙ্গ,  
সুন্দর লম্বোদর ।

চন্দনে চৰ্চিত,      সৌৰভে উন্মত্ত,  
ব্যাস ন-গন্তে ভগৱ ॥

হৃদে বিভূষিত,      শৰীৰ শোণিত,  
পরিধান দ্বিপচ্ছাল ।

ভূজ কৰীকর,      কৰকহ স্বর,  
পাশাঙ্কুশ জপমাল ॥

বাহন ইন্দুর,      দেখিতে সুন্দর,  
আজানুলম্বিত নাস ।

শ্রীবিষ্বকর্মা ।

প্রচণ্ড খণ্ডন, মুকুট বেষ্টিত,

তিলকে তিমির নাশ ॥

নানা পরিচ্ছদ, কঙ্কন অঙ্গদ,

নুপূর কিঙ্কিনী বাজে ।

অতি জিতেন্দ্রিয়, যোগীজন প্রিয়,

যোগেন্দ্র যোগীর মাঝে ॥

ঘাঁহার চরণ, সেবি অনুক্ষণ,

রচিল বিবিধ গ্রন্থ ।

বাল্মীকি বশিষ্ঠ, ব্যাস কবি-শ্রেষ্ঠ,

ক্ষতিতে হইল খ্যাত ॥

জয় বিশ্বেশ্বর, মোর বিশ্ব হর,

হরি রসাম্বিত পানে ।

তব পদাম্বুজ, জগদাসাম্বুজ,

গ্রন্থকার ধ্যায় ধ্যানে ॥

---

নারায়ণাদি সর্ব দেবগণের স্তব ।

নারায়ণ দেব বন্দ কীরোদের কূলে ।

সারোৎসার বস্তু তিহো সর্ব শাস্ত্রে ব ল ॥

ব্রহ্মার চরণ বন্দ হয়ে সাবধান ।

ঘাঁহার চরণ সেবি ব্রহ্ম-পদ পান ॥

। ত্রীবিধকৰ্ম্ম ।

ব্রহ্মপুৰে গিয়া হয় পারিষদগণ ।  
মৰ্ত্যপুৰে আসিবার নাহি হয় মন ॥  
আমার ভকতি কিবা তব স্তুতি জানি ।  
নিজগুণে কৃপা মোরে কর পদ্মযোনি ॥  
শঙ্কর ভবানী বন্দ হয়ে হৃষ্ট মতি ।  
দোঁহে অনুগ্রহ কৈলে না থাকে দুৰ্গতি ॥  
শিব-দুৰ্গার চরণে যাহার থাকে মন ।  
অন্তেতে যাইবে সেই কৈলাস ভবন ॥  
কৈলাসেতে গিয়া সেই পারিষদ হয় ।  
বেদের বিধান ইহা অন্তমত নয় ॥  
রাবণ সেবিল হর-গৌরির চরণ ।  
সেই ফলে মুক্তিপদ দিলা নারায়ণ ॥  
জ্ঞান-হীন মূঢ় মতি আমি কিবা জানি ।  
নিজ গুণে কৃপা কর শঙ্কর ভবানী ॥  
লক্ষ্মী সরস্বতী বন্দ করিয়া প্রণতি ।  
কোন চিন্তা নাহি দোঁহে যার ঘটে স্থিতি ॥  
তোমা দোঁহার চরণে মোর এই নিবেদন ।  
অনুগ্রহ করি সদা থাকিবে সদন ॥  
চন্দ্র-সূর্য্যদেব বন্দ হয়ে আনন্দিত ।  
বাহার উদয়ে হয় ত্রৈলোক্য-দ্বীপিত ॥

অষ্ট-বস্ত্র নবগ্রহ অশ্বিনী কুমার ।  
 প্রগতি করিয়া বন্দ চরণ সবার ॥  
 ধর্ম-দেব অগ্নি বায়ু বন্দ যোড় করে ।  
 দশদিক্‌পাল আদি দেব পুরন্দরে ॥  
 মাতা পিতার চরণ বন্দ হয়ে আনন্দিত ॥  
 ষাঁহা হইতে দেখি আমি এই পৃথিবীত ॥  
 অতঃপর বন্দিলাম শ্রীগুরু-চরণ ।  
 ষাঁহা হইতে বিঘ্ননাশ অরিষ্ট-পূরণ ॥  
 গ্রন্থকার নিবেদয়ে কি জানি ভকতি ।  
 অন্তকালে চরণ তলেতে দেহ স্থিতি ॥

### গ্রন্থারম্ভ ।

শুন সবে এক ভাবে নিবেদন করি ।  
 আনন্দ করিয়া সবে বল হরি হরি ॥  
 ব্রহ্মা বিষ্ণু মহেশ্বর এই তিন জন ।  
 ব্রহ্মা লইলেন ভার সৃষ্টির পত্তন ॥  
 বিষ্ণু যে লইল ভার পালন করিতে ।  
 মহাদেব লইল ভার সব সংহারিতে ॥  
 সর্ব সৃষ্টি করিলেন ব্রহ্মা মহাশয় ।  
 ভক্ষ্য-ভোজ্য আদি করি নানা মত হয় ॥

## ত্রিবিধকৰ্ম্ম ।

উলঙ্গ দেখিয়া ব্রহ্মা ভাবিলেন মনে ।  
গাছের বাকল দিল করিতে পিঙ্কনে ॥  
এক দিন স্বৰ্গপুরে ইন্দ্র দেবরাজ ।  
নিমন্ত্ৰণ করিলেন দেবের সমাজ ॥  
সকল দেবতা আসি একত্র হইল ।  
পাদ্য-অৰ্ঘ্য দিয়া সবে অৰ্চনা করিল ॥  
সকল দেবতা তবে ভোজনে বসিল ।  
স্বৰ্ণ-থালে পূরি শচী অন্ন আনি দিল ॥  
নানামত করি তাহে পঞ্চাশ ব্যঞ্জন ।  
পরিশেন শচীদেবী আনন্দ বদন ॥  
গতায়াতে শচীদেবীর বাকল সরিল ।  
দেবসভা মধ্যে শচী লজ্জিতা হইল ॥  
তাহা দেখি দেবগণ ভাবে মনে মন ।  
কেমনে হইবে দূঢ় কটির বন্ধন ॥  
ভোজনান্তে সৰ্ব্ব দেব করি আচমন ।  
মুখ-শুদ্ধি তাম্বুলাদি করিল ভক্ষণ ॥ •  
মনোমধ্যে দেবগণ মন্ত্ৰণা করিয়া ।  
কহিলেন ইন্দ্রদেবে বস্ত্রের লাগিয়া ।  
ইন্দ্র বলে আজ্ঞা সবে করিলে যে মোরে ।  
ইহার নিবেদন চল ব্রহ্মার গোচরে ॥



ইহা শুনি দেবগণ আনন্দিত হয়ে ।  
 ব্রহ্মার নিকটে সবে উত্তরিল গিয়ে ॥  
 করপুটে ইন্দ্র আদি করে নিবেদন ।  
 এ চৌদ-ভুবন প্রভু তোমার সৃজন ॥  
 মোসবার মনস্কাম করহ পূরণ ।  
 বাকল তেজিয়া পুনঃ করহ বসন ॥  
 দেববাক্য শুনি তবে কহে প্রজাপতি ।  
 বস্ত্র করিবারে নহে আমার শক্তি ॥  
 চল সবে জানাইব বিষ্ণুর সদন ।  
 তাহারে কহিব গিয়া বস্ত্রের কারণ ॥  
 এতেক শুনিয়া সবে আনন্দিত হয়ে ।  
 ক্ষীরোদের কূলে সবে উত্তরিল গিয়ে ॥  
 অনন্ত-শয্যায় আছেন দেব নারায়ণ ।  
 করপুটে পদ্মযোনি করেন স্তবন ॥  
 ভুমি দেব মহাপ্রভু কমলার পতি ।  
 মোসবার নিবেদন কর অবগতি ॥  
 ইহা শুনি নিদ্রা ভঙ্গ হইল তাঁহার ।  
 জিজ্ঞাসিল কি লাগিয়া গর্জন সবার ॥  
 ব্রহ্মা বলিলেন সর্ব-সৃষ্টি সৃজিনু গোসাঁই  
 করিতে বস্ত্রের সৃষ্টি গোর সাধ্য নাই ॥

তে কারণে আইলাম তোমার সদন ।  
 আপনি করহ প্রভু বস্ত্রের সৃজন ॥  
 এত শুনি নারায়ণ হাসিতে লাগিল ।  
 সরস বচনে প্রভু ব্রহ্মারে কহিল ॥  
 দেব-দেব মহাদেব আছেন ত্রিলোচন ।  
 তাঁর কাছে গিয়া কহ বস্ত্রের কারণ ॥  
 সকল দেবতা তবে বিষ্ণু আজ্ঞা পেয়ে ।  
 গমন করিল সবে যে আজ্ঞা বলিয়ে ॥  
 তথা হইতে দেবগণ শীঘ্রগতি হয়ে ।  
 কৈলাস-শিখরে পুনঃ উত্তরিল গিয়ে ॥  
 দেবগণ দেখি নন্দী অতি শীঘ্র হয়ে ।  
 হরের সাক্ষাতে সব জানাইল গিয়ে ॥  
 ব্রহ্মাদি আইল দেব তব দরশনে ।  
 আপনি করহ গিয়া সবার অর্চনে ॥  
 এত শুনি মহাদেব আনন্দ হইল ।  
 অভ্যর্থনা করি সবে বসিতে বলিল ॥  
 কহ কহ দেবগণ গমন কারণ ।  
 কি হেতু আইলাম সবে আমার সদন ॥  
 ইহা শুনি ব্রহ্মা দেব কহিতে লাগিল ।  
 বিষ্ণুর আজ্ঞায় তব সাক্ষাতে আইল ॥

শ্রীবিষ্মকর্ষা ।

বস্ত্রের কারণ মোরা কহিনু তাঁহারে ।  
তিঁহো পাঠাইয়া দিলা তোমার গোচরে ॥  
তোমার নিকট মোর এই নিবেদন ।  
আপনি করহ প্রভু বস্ত্রের সৃজন ॥  
ইহা শুনি গঙ্গাধর আনন্দ হইল ।  
করিব বলিয়া তিঁহো স্বীকার করিল ॥  
শুনিয়া সবার বড় আনন্দিত মন ।  
বিদায় করহ মোরা বাই নিকেতন ॥  
ইহা শুনি সর্ব জনে বিদায় করিল ।  
কেমনে হইবে বস্ত্র ভাবিতে লাগিল ॥  
স্বীকার করিয়া হর হইলা ভাবিত ।  
হেন কালে মহামায়া আসি উপস্থিত ॥  
কি কারণে উচাটন দেখি তব মন ।  
ভাবিত হয়েছ প্রভু কিনের কারণ ॥  
মহাদেব বলে প্রিয়া শুন দিয়া মন ।  
দেবগুণ আসি ছিল আনার সদন ॥  
বস্ত্র করিবারে সবে মোরে দিল ভার ।  
সবার সাক্ষাতে আমি কৈনু অঙ্গীকার ॥  
কেমনে হইবে বস্ত্র কহ দেখি শুনি ।  
এত শুনি কহিতে লাগিলা কাত্যায়নী ॥

শুন শুন প্রাণনাথ করি নিবেদন ।  
 আমার বচনে কর যজ্ঞ-আরম্ভন ॥  
 ইহা শুনি মহাদেব আনন্দ হইল ।  
 নারদে ডাকিয়া হর কহিতে লাগিল ॥  
 যজ্ঞ হেতু যজ্ঞ আমি করিব এক্ষণে ।  
 নিমন্ত্ৰিয়া আন তুমি অমরেরগণে ॥  
 ইহা শুনি তপোধন গমন করিল ।  
 সকল অমরে তবে নিমন্ত্ৰণ দিল ॥  
 নিমন্ত্ৰণ পেয়ে সবে আনন্দিত মনে ।  
 আমি উত্তরিল হর-গৌরী সন্নিধানে ॥  
 হর গৌরী দেখে সব অমর আইল ।  
 যজ্ঞে পুণ্যা দিব বলি অনুমতি লইল ॥  
 পুণ্যাহুতি দেহ বলি বলে সৰ্ব্বজন ।  
 ইহা শুনি পুণ্যা হর দিলা তত ক্ষণ ॥  
 তাহাতে জন্মিল এক পুরুষ রতন ।  
 দেখি দেবগণ হৈল আনন্দ বদন ॥  
 সেই পুরুষ সবাংকারে প্রণাম করিয়ে ।  
 দাণ্ডাইলা সভা-অগ্রে করপুট হয়ে ॥  
 কি কৰ্ম্ম করিব আজ্ঞা দেহ সৰ্ব্বজন ।  
 বিশ্বনাথে জিজ্ঞাসহ কহে দেবগণ ॥

মহাদেব বলে শুন আমার ভারতী ।  
 বস্ত্রের নির্মাণ তুমি কর শীঘ্রগতি ॥  
 ইহা শুনি কহে তবে পুরুষ রতন ।  
 যে আজ্ঞা করিলে তাহা করিব এখন ॥  
 দেবগণ কহে তবে ঈশানের স্থানে ।  
 তব বস্ত্রে জন্ম ইহার শিব দাস নামে ॥  
 শিবদাস বলে শুন মোর নিবেদন ।  
 সকলের স্থানে কহি বস্ত্রের কারণ ॥  
 যেই কর্ম যাহা হইতে হয় উপযুক্ত ।  
 করিবে সর্বথা মোরে হয়ে অনুরক্ত ॥  
 ইহা শুনি দেবগণ করিল স্বীকার ।  
 বিদায় হইয়া স্থানে গেল আপনার ॥  
 পুনঃ কহে শিবদাস ঈশানের স্থানে ।  
 সূতানা হইলে বস্ত্র হইবে কেমনে ॥  
 সূতার কারণ তবে শুন ত্রিপুরারি ।  
 আপুনি কাটিয়া সূতা দিবেন শঙ্করী ॥  
 ইহা শুনি বিশ্বনাথ ভবানীরে কয় ।  
 তুমি সূতা কাটি দিলে তবে বস্ত্র হয় ॥  
 ত্রিপুরা কহেন তবে সূতা কাটিব আমি ।  
 প্রথমেব বস্ত্র খানি মোরে দিবে তুমি ॥

শূনি বিশ্বনাথ করে সত্য অঙ্গীকার ।  
 প্রথমের বস্ত্র খানি হইবে তোমার ॥  
 পুনরপি হরে দুর্গা কহেন তখনে ।  
 কেমনে হইবে সূতা কাপাস বিহনে ॥  
 কাপাসের উপদেশ কহি যে তোমারে ।  
 যুধিষ্ঠির পর্বতে আছে কল্লীসুরে ॥  
 দুরন্ত রাক্ষস তার অফটা লোচন ।  
 হনুমান হস্তে তার হইবে নিধন ॥  
 ইহা শূনি হনুমাণে স্মরণ করিল ।  
 আমি হনুমান বীর হরে প্রণামিল ॥  
 কি হেতু ডাকিলে মোরে দেব ত্রিলোচন ।  
 আজ্ঞাকর কোন্ কৰ্ম করিব সাধন ॥  
 মহাদেব বলে শুন বীর হনুমান ।  
 যুধিষ্ঠির পর্বতে তুমি করহ পয়ান ॥  
 কল্লীসুর নামে তথা আছে নিশাচরে ।  
 অফ চক্ষু আমি তার দেহত আমায়ে ॥  
 তোমা বিনে নাহি পারে অন্যের শক্তি ।  
 আমার বচনে তুমি যাহ শীঘ্রগতি ॥  
 ইহা শূনি হনুমান গমন করিল ।  
 চক্ষুর নিমিষে বীর তথাকারে গেল ॥

## শ্রীবিষকর্মা ।

দেখিল রাক্ষস আছে পর্বতে বসিয়া ।  
ইন্সুমান কহে তারে তর্জ্জন করিয়া ॥  
মহাদেবের আজ্ঞা তোরে বধিব যে আমি ।  
শক্তি থাকে মোর সনে যুদ্ধকর তুমি ॥  
শুনিয়া রাক্ষস তবে অন্তরে কুপিল ।  
বাহু পশারিয়া তখন হনুরে ধরিল ॥  
তুই জনে মহাযুদ্ধ অতি ভয়ঙ্কর ।  
ধরাধরি করি পড়ে ভূমির উপর ॥  
ভূজনার গর্জ্জনেতে কর্ণে লাগে তালি ।  
চড় চাপড় নারে কত আখালি পাখালি ॥  
ভূমি-কম্প দৌহার চরণ তড়বড়ি ।  
চরণে চরণছাদি যায় গড়াগড়ি ॥  
চক্ষু পালটিতে কারো নাহি অবসর ।  
এই রূপে যুদ্ধ তাহে তৃতীয় প্রহর ॥  
দৈব বলে বলাধিক পবন কুমার ।  
উঠিয়া বসিল তার বুকের উপর ॥  
এক চড়ে দন্তগুলি ভাঙ্গিয়া পাড়িল ।  
বজ্রযষ্টি মারি তারে নিশ্শেষ করিল ॥  
পা ধরিয়ে তাহারে ঘুরায় ইন্সুমান ।  
অন্তর্গিকে রাক্ষসার বাহিরায় প্রাণ ॥

## ত্রিবিধকৰ্ম্ম ।

তবে হনুমান তারে ভূমেতে ফেলিয়া ।  
অৰ্ঘ চক্ষু লয় তার নখে খসাইয়া ॥  
কৈলাস-শিখরে বীর করিল পয়ান ।  
কত দূরে হৈল তবে দিবা অবসান ॥  
শ্রীফলের বৃক্ষ বীর দেখিল সম্মুখে ।  
তাতে গিয়া মহাবীর লক্ষ্য দিয়া উঠে ॥  
রজনী বঞ্চিয়া স্মুখে বীর হনুমান ।  
প্রভাতে উঠিয়া বীর করিল পয়ান ॥  
হাতেতে আছিল চক্ষু একটি পড়িল ।  
শ্রীফলের বৃক্ষ তাহা অমনি হরিল ॥  
হনুমান বীর তবে অনেক খুঁজিল ।  
চাহিয়া তাহার বীজ তত্ত্ব না পাইল ॥  
অবশেষে মহাবীর সন্তোষ হইয়া ।  
শাপ-বাণী কহে বীর বৃক্ষেতে চাহিয়া ॥  
যেমন তুমি এই চক্ষু করিলে হরণ ।  
তোমার বীজেতে হবে কাপাস লক্ষণ ॥  
তোমার বীজ কেহ যেন না করে আহার ।  
কহিল এমত বীর পবন কুমার ॥  
এই হেতু শ্রীফল বীজ কাপাস বরণ ।  
কাপাস লাগিয়া কেহ না করে ভক্ষণ ॥



তথা হইতে যায় বীর শোকাকুল হয়ে ।  
 এক গেল সাত চক্ষু হাতেতে করিয়ে ॥  
 পথি মধ্যে এক চক্ষু বনেতে পড়িল ।  
 পুনরপি সেই খানে খুঁজিতে লাগিল ॥  
 না পেয়ে মনে বড় ক্রোধ উপজিল ।  
 স্থগিত হইয়া বীর ক্ষণেক রহিল ॥  
 পুনরপি ক্রোধকরি কহে কটুবাণী ।  
 মোর শাপে জন্ম তোরা যা তুই অবনী ॥  
 বৃক্ষ হইলে ফুল তাতে অবশ্য হইবে ।  
 মোর বোলে ফল তাতে কভু না জন্মিবে  
 মহা ক্রোধ করি তবে হনুমান কয় ।  
 বোন-কাপাস বলি নাম অবনিতে হয় ॥  
 এত বলি যায় বীর ছুঃখিত হইয়া ।  
 কৈলাসশিখরে বীর উত্তরিল গিয়া ॥  
 রক্ত পুঁজ হেতু বীর বিচারিল মনে ।  
 জলে পাখালিতে বীর করিল গমনে ॥  
 ধুইতে লাগিল চক্ষু সুন্দর করিয়া ।  
 হাত হইতে এক চক্ষু পড়িল সরিয়া ॥  
 হেনকালে এক মৎস্য তথায় আইল ।  
 শীঘ্রকরি সেই চক্ষু অমনি গিলিল ॥

তাহা দেখি হনুমান বড় দুঃখ করি ।  
 ডাকিয়া কহিল তবে, শুনহ শফরি ॥  
 এই চক্ষু তুমি জিনি করিতে নারিবে ।  
 মস্তক ফুটিয়া তোরা, বাহির হইবে ॥  
 এত যদি তাহারে কহিলা হনুমান ।  
 সেই হৈতে তেচখে হইল তার নাম ॥  
 অশুচি হইল মৎস্য এতই লাগিয়া ।  
 কোন কার্য্যে না আইল জনম লভিয়া ॥  
 তিন গেল তিন ঠাই, পাঁচ যে রহিল ।  
 তাহা লইয়া হনুমান হর কাছে গেল ॥  
 সন্তুষ্ট হইয়া হর, হনুরে জিজ্ঞাসে ।  
 তোমার গোণ কেন এতেক দিবসে ॥  
 এ কথা শুনিয়া কয় পবন-নন্দন ।  
 দুরন্ত রাক্ষস সেই বড়ই বিষম ॥  
 তৃতীয় প্রহর যুদ্ধ তার সনে কৈনু ।  
 এইহেতু শীঘ্রগতি আসিতে নারিনু ॥  
 এই দোমে ক্ষমা মোরে করিবে গোমাঁই ।  
 শিব বলে কোল দিব আইস মোর ঠাঁই ॥  
 হনু কয় আগি হই, বোনের বানর ।  
 প্রণাম করিবে গোমাঁই তোমার নকর ॥

## শ্রীবিষ্বকর্মা ।

সন্তুষ্ট হইয়া হর আশীর্ব্বাদ করিল ।  
বিদায় হইয়া হনু নিজ স্থানে গেল ॥  
পার্ব্বতীরে হর তবে কহিতে লাগিল ।  
কল্লীপ্তর মারি হনু, চক্ষু আনি দিল ॥  
ইহা শুনি মহামায়া আনন্দা হইলা ।  
ভীম ভীম বলি মাতা ডাকিতে লাগিলা ॥  
শুনিয়াত ভীম তবে আইল নিকটে ।  
প্রণাম করিয়া দাণ্ডাইল করপুটে ॥  
ভীমেরে বলেন মাতা শুনহ বচন ।  
কাপাস রূপিব স্থান দেখহ এখন ॥  
আজ্ঞামাত্র ভীম তবে, গমন করিয়া ।  
ভূমে বীজ দিতে গেল, লাঙ্গল আনিয়া ॥  
ভূমি চসি মহারায়ায় সমাচার দিল ।  
সেই পাঁচ বীজ মাতা রোপিতে বলিল ॥  
শীঘ্র গিয়া ভীম বীজ, রূপিল তথনি ।  
শুনিয়া আনন্দা বড় হইলা ভবানী ॥  
কনদিয়া শুন সবে অপূর্ব্ব কথন ।  
ব্রহ্মাদেব করিলেন যজ্ঞ আরম্ভন ॥  
নারদেরে ডাকিয়া কহেন পিতামহ ।  
সকল অমরে তুমি নিমন্ত্রণ দেহ ॥

## ঐবিশ্বকর্মা ।

ইহা শুনি ততক্ষণে চলে তপোধন ।  
সকল অমরে তবে দিল নিমন্ত্রণ ॥  
সকল অমর আসি একত্র হইল ।  
অনুমতি লয়ে ব্রহ্মা যজ্ঞে পূন্য দিল ॥  
কুশেতে করিয়া জল দিলেক যজ্ঞেতে ।  
হেন কালে এক কন্যা জন্মিল তাহাতে ॥  
দেখি দেব গণ হৈল আনন্দিত মন ।  
ডাকিয়া বলিলা সবে শুন পদ্মযোনি ॥  
অবশেষে দিলে তুমি কুশেতে আছতি ।  
তাহাতে জন্মিল কন্যা, নাম কুশাবতী ॥  
ইহা শুনি ব্রহ্মাদেব, আনন্দ হইল ।  
কুশাবতী বলি নান, তাহার রাখিল ॥  
বিদায় হইলা সবে, ব্রহ্মার সদন ।  
আপনার স্থানে সবে করিলা গমন ॥  
এখানেতে সেই বীজ অঙ্কুরিত হল ।  
দিনে দিনে বৃক্ষ তবে বাড়িতে লাগিল ॥  
স্বরপুরে ছিল যত নৃত্যকারীগণ ।  
পুষ্প তুলি লয়ে যায় পূজার কারণ ॥  
প্রভাতে আসিয়া দেবী বৃক্ষপানে চান ।  
কোন বৃক্ষে পুষ্প মাতা দেখিতে না পান ॥

পুষ্প না দেখিয়া মাতা ভাবে মনে মন ।  
 জানিলেন পুষ্প নিল নৃত্যকারীগণ ॥  
 পুনরপি কাত্যায়নী মনেতে চিন্তিয়া ।  
 শোণিত দিলেন বৃক্ষে অঙ্গুলী ছেদিয়া ॥  
 অশুচি হইল পুষ্প আর না তুলিল ।  
 অতপর সেই বৃক্ষে ফল জনমিল ॥  
 পাকল হইল ফল কত দিনান্তরে ।  
 কাপাস হইল সেই ফলের ভিতরে ॥  
 দেখিয়াত ভবানীর আনন্দ বাড়িল ।  
 চুপাড় ধরিয়া মাতা, কাপাস তুলিল ॥  
 পুনরপি মহামায়া ভাবেন আসিয়া ।  
 ভামকে কহেন আন, বিশাই ডাকিয়া ॥  
 বিশ্বকর্মা ডাকিবারে ভীম তবে গেল ।  
 লইয়া তাহারে সঙ্গে ত্বরায় আইল ॥  
 বিশ্বকর্মা আসি মায়ে প্রণাম করিয়া ।  
 করযোড়ে দাঁড়াইল কি আজ্ঞা বলিয়া ॥  
 নিঙ্গাড়িয়া কাপাস বলেন মহেশ্বরী ।  
 চরখী পাঠায়ে মোরে দেহ শীত্রকরি ॥  
 শীত্রকরি বিশ্বকর্মা নিৰ্ম্মাণ করিল ।  
 ত্বরায় আনিয়া তাহা দেবী স্থানে দিল ॥

পাইয়াত মহামায়া সন্তুষ্ট হইয়া ।  
 বিদায় করিল তারে আশীর্বাদ দিয়া ॥  
 সেইক্ষণে মহামায়া চরখী লইয়া ।  
 বিদায় করিল তারে বীজ ঘুচাইয়া ॥  
 পদ্মাকে কহিলা মাতা সূতাকাট তুমি ।  
 শীঘ্র সূতা কাটি দেহ শিবে দিব আমি ॥  
 শীঘ্র সূতা কাটি পদ্মা, মহামায়ে দিল ।  
 কাত্যায়ন সূতা ফের, কাটিতে লাগিল ॥  
 প্রস্তুত করিয়া সূতা দেবী আনন্দিত ।  
 ঈশানের স্থানে গিয়া হৈল উপনীত ॥  
 দেবী কহে সূতা দেব কাটিলাম আমি ।  
 বস্ত্র বুনাইয়া শীঘ্র মোরে দিবে তুমি ।  
 শুনিয়াত গঙ্গাধর আনন্দ হইল ।  
 শিবদাস বলি তবে ডাকিতে লাগিল ॥  
 শূনি শিবদাস তবে তথায় আইল ।  
 প্রণাম করিয়া করপুটে দাঙাইল ॥  
 কি কারণে আমারে ডাকিলে মহাশয় ।  
 মহাদেব বলে সূতা হইল তনয় ॥  
 সূতা লই শীঘ্র তুমি করহ বসন ।  
 শুনিয়াত শিবদাস কহেন তখন ॥

যে আজ্ঞা আমারে তুমি করিলে গোসাঁই ।  
 কেমনে করিব বস্ত্র, যন্ত্র কিছু নাই ॥  
 যন্ত্রের কারণ প্রভু, শুন কহি আমি ।  
 সকল অমরে হেথাকারে আন তুমি ॥  
 এই বাক্য শিবদাস কহিল যখন ।  
 হেনকালে উপস্থিত নারদ তপোধন ॥  
 ভাগিনা দেখিয়া হরের আনন্দ বাড়িল ।  
 আইস আইস বলি তারে বসিতে বলিল ॥  
 বসাইয়া তাহারে কহে দেব ত্রিলোচন ।  
 দেবগণ ডাকি তুমি আনহ এখন ॥  
 ইহা শুনি তপোধন গমন করিল ।  
 শীঘ্রগতি দেবগণে কৈলাসে আনিল ॥  
 সকল দেবতা আসি হৈল উপনীত ।  
 ব্রতান্ত কহেন হর সবার বিদিত ॥  
 ব্রতান্ত শুনিয়া সবে বিষ্বকর্মে ডাকিল ।  
 আসি বিষ্বকর্মা সেই খানে উত্তরিল ॥  
 বিষ্বকর্মে আজ্ঞা তবে কৈল দেবগণ ।  
 যাহা কহে শিবদাস করহ গঠন ॥  
 বিষ্বকর্মা বলে ভাই, জিজ্ঞাসি তোমাতে ।  
 কোন্ যন্ত্র গঠি দিব কহত আমারে ॥

শিবদাস বলে ভাই, তুমি বিচক্ষণ ।  
 গঠিয়া তাঁতের যন্ত্র দেহত এখন ॥  
 ইহা শুনি বিস্বকর্মা করিল নির্মাণ ।  
 প্রস্তুত করিয়া দিলা শিবদাসের স্থান ॥  
 দেবগণ প্রতি তবে শিবদাস বলে ।  
 তাঁতে মোর অধিষ্ঠান হইবে সকলে ॥  
 ইহা শুনি দেবগণ অঙ্গীকার কৈল ।  
 স্থানে স্থানে আবির্ভূত হইয়া রহিল ॥  
 ইন্দ্র বজ্রেতে গুটী করিল নির্মাণ ।  
 পাটীতে আপনি ব্রহ্মা হৈল অধিষ্ঠান ॥  
 দক্ষিতে আবির্ভূতা কালী তবে হইল ।  
 অশ্বিনী কুমার ভারা হইয়া রহিল ॥  
 শানাতে রহিল তবে সহস্রলোচন ।  
 মাকুতে রহিল তবে আপনি পবন ॥  
 স্বর্গ-বিদ্যাধরী আসি নাচনি হইল ।  
 তাঁতের যতক দড়ি নাগেতে করিল ॥  
 কাটী-খুঁটি করি আদি যত আছে আর ।  
 যাহা হইতে যাহা হৈল নয় অধিকার ॥  
 নানামতে সরঞ্জাম সকল হইল ।  
 পুনরপি শিবদাস কহিতে লাগিল ॥



শুন শুন দেবগণ মোর নিবেদন ।  
 একক নাহিক পারি করিতে বসন ॥  
 দেবগণ ভাবিতে লাগিল ইহা শুনি ।  
 কোনমতে শিবদাস পাইবে গৃহিণী ॥  
 গ্রন্থকার বলে হরি বল সর্বজন ।  
 মনে মনে কর সবে কণ্ঠা অন্বেষণ ।

### সকলের কন্যাঅন্বেষণ ।

নারদ মুনি কয়, শুন মহাশয়,  
 নিবেদিয়ে তব ঠাই ।  
 যজ্ঞেতে তোমার, জনম ইহার,  
 শুন শুন হে গোসাঁই  
 ইহার কারণ, কণ্ঠা অন্বেষণ,  
 কোথায় করিবে তুমি ।  
 শুন উপদেশ, কহি যে বিশেষ,  
 তোমার সাক্ষাতে আমি ॥  
 কত দিনান্তর, দেব সৃষ্টিধর,  
 কৈল যজ্ঞ আরম্ভন ।  
 আমারে ডাকিয়া, সহস্র হইয়া,  
 কহে সব বিবরণ ॥

যত দেবগণ,            করি নিমন্ত্ৰণ  
                  মোরে কহে প্রজাপতি ।  
 তার আজ্ঞা পেয়ে, অতি শীঘ্র হয়ে,  
                  দেব পুরে উপনীতি ॥  
 যতেক দেবতা,    শুনি যজ্ঞ কথা  
                  বিলম্ব আর না কৈল ।  
 হুসজ্জিত হয়ে, বাহনে চড়িয়ে,  
                  ব্রহ্মপুরে উত্তরিল ॥  
 দেখি পদ্মাসন, যত দেবগণ,  
                  অতি হৃষ্টমতি হয়ে ।  
 পাদ্য-অৰ্ঘ্য চিতে, অমর পূজিতে,  
                  জল দিল শীঘ্র লয়ে ॥  
 পাদ্য-অৰ্ঘ্য পেয়ে, চরণ ধুয়িয়ে,  
                  বসিল আসনোপরি ।  
 পুন্যার কারণ, দেবগণ স্থান,  
                  কহে সেই সৃষ্টিধর ॥  
 শুনি দেবগণে,    বলে এইক্ষুণে,  
                  যজ্ঞ পুন্যা তুমি কর ।  
 এ বোল শুনিয়ে, কুশে জল লয়ে,  
                  দিলেন যজ্ঞোপরি ॥

পুন জল দিল, কন্যা জনমিল,  
 তাহা দেখি দেবগণ ।  
 কহে এই বাণী, শুন পদ্মযোনি,  
 মোরা করি নিবেদন ॥  
 কুশে জল পেয়ে, কন্যা জনমিয়ে,  
 দাণ্ডাইল বিদ্যমান ।  
 ইহার কারণ, কহি তব স্থান,  
 কুশাবতী হৈল নাম ॥  
 শুনি কৃষ্ণিবাস, এই শিবদাস,  
 মম যজ্ঞে উৎপত্তি ।  
 দূত পাঠাইয়া, ব্রহ্মারে কহিয়া,  
 বিভা দেহ কুশাবতী ॥  
 এ বোল শুনিয়া, সহর্ষ হইয়া,  
 মহেশ তখনি কন ।  
 নারদের বাণী, শুন সুর-মনি,  
 আর যত দেবগণ ॥  
 সুর বাক্য শুনি, কহে সুর-মনি,  
 নারদ যাউন তথা ।  
 শিবদাসের তরে, কণ্ঠা বরিবারে,  
 কহেন ব্রহ্মারে কথা ॥

নারদ শুনিয়া, হাতে বীণা নিয়া,  
 ছরিত করিয়া গেল ।

ব্রহ্মার সাক্ষাতে, হৈল উপনীতে,  
 প্রণমিয়া দাণ্ডাইল ॥

কহে পদ্মাসন, কেন আগমন,  
 কহ মোরে সেই কথা ।

কহে তপোধন, শুন নিবেদন,  
 ধূজ্জটি পাঠাইল হেথা ॥

কুশাবতী কন্যা, রূপে-গুণে ধন্যা,  
 আছে তোমার ঘরে ।

তাহার কারণ, আসি তব স্থান,  
 শিবদাসে বরিবারে ॥

এ কথা শুনিয়া, মনেতে ভাবিয়া,  
 তারে কহে প্রজাপতি ।

শিবদাস বরে, আনিহ সত্বরে,  
 বিভা দিব কুশাবতী ॥

এতেক শুনিয়ে, কুতূহল হয়ে,  
 চলিলেন তপোধন ।

অতি শীঘ্রগতি, হৈল উপনীতি,  
 যথা আছে ত্রিলোচন ॥

শ্রীবিষ্বকর্মা ।

নিবেদন শুন,      তুমি পঞ্চানন,  
মোরে পাঠাইলা তথা ।

অঙ্গীকার কৈল, বিভা দিতে হৈল,  
তাহার এই বারতা ॥

শুনি সর্ব জন,      বড় হৃষ্ট মন,  
নারদে প্রশংসা করে ।

লগ্নের কারণ,      শুন তপোধন,  
পুন যাহ তথাকারে ॥

এই কথা শুনি, চলে মহামুনি,  
হরিষ হয়ে অন্তরে ।

কৃষ্ণ-গুণ গেয়ে, উত্তরিল ধৈয়ে,  
যথা আছে সৃষ্টিধরে ॥

করযোড় হয়ে, প্রণাম করিয়ে,  
তারে কহে মহামুনি ।

লগ্নের কারণ, পুনঃ তব স্থান,  
পাঠাইলা শূলপাণি ॥

শুনি বারিধর,      হরিষ অন্তর,  
লগ্ন নিরূপণ করে ।

কালিতো রাত্রিতে, প্রহর মধ্যেতে,  
স্বরায় আনিবে বরে ॥

এ কথা শুনিযে, শীঘ্রগতি হয়ে,  
 পুনঃ চলে মুনিবর ।  
 কালিতো রাত্ৰিতে, প্রহর মধ্যেতে,  
 তথা লয়ে যাব বর ॥  
 এইকথা শুনি, কহে শূলপাণি,  
 আনন্দ বড় হইল ।  
 ভাল ভাল বলি, হয়ে কুতূহলী,  
 তাহাতে শাস্ত্রায় দিল ॥  
 শুনি শূলপাণি, ডাকিয়া ভবানী,  
 তারে কহে কৃতিবাস ।  
 শিবদাস বিভা, কালি রাত্রে দিবা;  
 আজ তার অধিবাস ॥  
 যে কিছু বিহিত, আছে কুলনীত,  
 ত্বরায় করহ তুমি ।  
 তোমাৰে বলিনু, নিশ্চিন্ত হইনু,  
 অবসর পাইনু আমি ॥  
 কহেন শঙ্করী, শুন ত্রিপুরারি,  
 নিবেদি তোমার পায় ।  
 নারী-কৰ্ম্ম যত, করিব ত্বরিত,  
 তোমার নাহিক দায় ॥

তবে মহামায়া, পদ্মারে ডাকিয়া ,

কহিছে তাহার কথা ।

করহ গমন, যত নারীগণ,

ডাকিয়া আনহ হেথা ॥

শীঘ্রগতি করি, অনেক কুমারী,

পদ্মা-সঙ্গেতে আইল ।

যতেক সুন্দরী, দেখিয়া শঙ্করী,

জল-সহিতে বলিল ॥

শুনিয়া বচন, কহে নারীগণ,

শুন গো শিখর-সূতা ।

জল-সহিবারে, কহিলে সবারে,

বাদ্য-ভাণ্ড পাব কোথা ॥

শুনিয়া শঙ্করী, যথা ত্রিপুরারি,

দ্বরায় চলিল তথা ।

তার আগে গিয়ে, করযোড় হয়ে,

কহেন সুরস কথা ॥

বাদ্যের কারণ, যত নারীগণ,

জল-সহিতে না যায় ।

বাদ্যকরগণ, আনহ এখন,

এই কহিনু তোমায় ॥

শুনি ত্ৰিলোচন, ডাকি ভীমসেন,

বাদ্য আনিবारे কন ।

শুনি ভীমসেন, কৰিয়া গমন,

আনে বাদ্যকরগণ ॥

এল বাদ্যধাম, কত লব নাম,

বিবিধ প্রকারে বাজে ।

বাদ্যের শব্দে, কাঁপে জনপদে,

আনন্দ কৈলাস মাঝে ॥

কক্ষে হেমবারি, যতেক সুন্দরী,

জল-সহে ঘরে ঘরে ।

আৰ্য্য সূৰ্য্যমনি, ছালাছলি ধ্বনি

তগুল মুকুর করে ॥

দিব্য-আভরণ, সহস্রলোচন,

দিলেন বরের গায় ।

দিব্য-যান লয়ে তাতে বসাইয়ে,

বিভা দিতে সবে যায় ॥

যত দেবগণ সহ নিজজন,

চলিল বর-সংহতি ।

ভূত প্রেত গণে, ডাকে ভীমসেনে,

চলিল উষার-পতি ॥



তবে ভীমসেন, ডাকে দানাগণ,  
 ছরায় আইল ধেয়ে ।  
 হয়ে আনন্দিত, চলিল ছরিত,  
 হর অনুমতি পেয়ে ॥  
 বাজয়ে বাজনা, নেচে যায় দানা,  
 নন্দী ভৃঙ্গী ধরে তাল ।  
 শিঙ্গা ডমরু করে, বৃষের উপরে,  
 হর কন ভাল ভাল ॥  
 অতি কুতূহলে, চতুরঙ্গ দোলে,  
 উত্তরিল ব্রহ্মপুরে ।  
 দেখি পদ্মাসন করি অভ্যর্থন,  
 বসিতে বলিল সবারে ॥  
 যে জন যেমন, আসন তেমন,  
 সবারে দিল আনিয়ে ।  
 পাইয়া আসন, বসে সর্বজন,  
 অতি পুলকিত হয়ে ॥  
 পুনঃ পদ্মাসন, বিবাহ কারণ,  
 দেবগণ প্রতি বলে ।  
 দেবগণ কয়, বিলম্ব না সয়,  
 লগ্ন উপস্থিত হলে ॥

তবে প্রজাপতি, আনি কুশাবতী,

শিবদাসে বিভা দিল ।

নানা আয়োজনে, দিব্য-আভরণে,

দৌহারে ভূষিত কৈল ॥

ব্রহ্মা করে কন্যাদান, দেবগণে বেদগান,

নাচে গায় যত বিদ্যাধরী ।

বাজায়ে মঙ্গল কাড়া, নারদ বাক্কে গাঁটচুড়া,

আনন্দিত সৃষ্টি অধিকারী ॥

বন্দিয়া রোহিণী সোম, ল'য়াছতি কৈলা হোম,

দৌহে করে অনলে প্রণতি ।

প্রণমিয়া দেবতারে, দৌহে গেল বাসঘরে,

সর্বদেবে কহে প্রজাপতি ॥

মোর নিবেদন শুন, সভাতে যতেক জন,

মনোরথ পূর্ণ কর মোর ।

করিলে সবে ভোজন, কৰ্ম্ম হয় সমাপন,

আনন্দের নাহি থাকে ওর ॥

ইহা শুনি দেবগণ, লয়ে সবে পত্রাসন,

ভোজনে বসিলা ভিতাভিতে ।

সামগ্রী যতেক আনি, যোগাইল পদ্মঘোনি,

পরিসেন নারদ ছরিতে ॥

নানা দ্রব্য উপচার, কতেক কহিব আর,

ভোজন করিল সর্বজন ॥

ভোজনান্তে আঁচমন, তাম্বুল-আদি ভক্ষণ,

রাত্রি শেষে করিল শয়ন ॥

রজনী প্রভাত কালে, সর্বদেব কুতূহলে,

সভাতে বসিল গা-তুলিয়া ।

কহে তবে শূলপাণি, শুন দেব পদ্মযোনি,

কন্যা-বর দেহ পাঠাইয়া ॥

ইহা শুনি প্রজাপতি, কন্যাবরে শীঘ্রগতি,

আনিলেন বাহির করিয়া ।

প্রণমিয়া পদ্মাসনে, চলিলেন সর্বজনে,

কৈলাসেতে উভরিল গিয়া ॥

হরপ্রিয়া হৈমবতী, কন্যাবরে শীঘ্রগতি,

আনিলেক পুরির ভিতরে ।

সঙ্গে যত সহচরী, দৌহারে বরণ করি,

প্রবেশ করিল লয়ে ঘরে ॥

সকল দেবতা কয়, শুন দেব মৃত্যুঞ্জয়,

নিবেদন করি তব স্থান ।

তোমার নিকটে এই, পুনঃপুনঃ মোরা কই

শীঘ্রকর বসন নির্মাণ ॥

ইহা বলি দেবগণ, গেলা সবে নিকেতন,  
মহেশেরে হইয়া বিদায় ।  
হইয়া আনন্দ মন, হরি বল সর্বজন,  
এস্থকার ইহামাত্র গায় ॥

## বস্ত্র নির্মাণ ।



শিবদাসে কহে তবে ভোলা মহেশ্বর ।  
বসন সৃজিয়া তুমি দেহত সত্ত্বর ॥  
শিবদাস বলে প্রভু, কহিলে আমায় ।  
কুঠির নাহিক আমি থাকিব কোথায় ॥  
ইহা শুনি মহাদেব বিশাই ডাকিয়া ।  
শিবদাসে ঘর ভুমি দেহত বাঁধিয়া ॥  
ইহা শুনি বিশ্বকর্মা নির্মাণ করিল ।  
ত্বরায় বান্ধিয়া ঘর শিবে জানাইল ॥  
ত্বর বলি সেই ঘরে দেওয়াল না হল ।  
তাল পত্রের টান্নি বান্ধি বিশ্বকর্মা দিল  
সেই ঘরে শিবদাস বসতি করিল ।  
সুতা ভিজাইয়া পাটী, করিতে লাগিল ।

পাটী করিয়া সূতা, ক্ষীরে ভাতাইল ।  
 তাহার সকল ক্ষীর, মাছিতে খাইল ॥  
 সেই সূতা তানা করি সানাতে গাঁথিতে ।  
 এলাইয়া যায় সূতা, লাগিলা ভাবিতে ॥  
 পুনরপি শিবদাস সানা উবলিয়া ।  
 আলুর মণ্ডেতে সূতা দিল ভাতাইয়া ॥  
 আলুর মণ্ডেতে সূতা, শক্ত নাহি হয় ।  
 পুনরপি শিবদাস ভাবিত হৃদয় ॥  
 তাহা দেখি কুশাবতী কহেন তখন ।  
 বুঝি তুমি না পারিবে করিতে বসন ॥  
 মহাদেবের কাছে গিয়া কহ সবিনয় ।  
 শক্ত না হইলে সূতা কেমনেতে হয় ॥  
 শিবদাস গমন করিল ইহা শুনি ।  
 ভোজন করিতে বসেছেন শূলপাণি ॥  
 হেনকালে শিবদাস উত্তরিল গিয়া ।  
 করপুটে কহে কথা কুণ্ঠিত হইয়া ॥  
 আমার শক্তি নাই করিতে বসন ।  
 এই হেতু আইলাম তোমার সদন ॥  
 প্রথমেতে ক্ষীর দিয়া সূতা ভাতাইনু ।  
 তানাকরি সানা তাহে গাঁথিতে নারিনু ॥

পুনঃ সূতা ভাতাইনু আনুমণ্ড দিয়া ।  
 তবু না হইল শক্ত, যায় এলাইয়া ॥  
 শক্ত না হইলে সূতা, বসন না হবে ।  
 মোর সাধ্য বস্ত্র প্রভু করিতে নারিবে ॥  
 ইহা শুনি ভাবিতে লাগিল বিস্বনাথ ।  
 ভোজন করিয়া রহে মুঠাকরি হাত ॥  
 শঙ্করী কহেন শুন, শুন প্রাণনাথ ।  
 ভোজন করিয়া কেন, কোলে রাখ হাত ॥  
 ভোজন করহ তুমি শুন মহাশয় ।  
 করিব মন্ত্রণা আমি, যাতে ভাল হয় ॥  
 ইহা শুনি মহাদেব নারিল রহিতে ।  
 হাত পশারিয়া যান ভোজন করিতে ॥  
 পূর্বেতে আঙুলে যত অন্ন লেগে ছিল ।  
 গউণে সে সব অন্ন, শুকাইয়া গেল ॥  
 অঙ্গুলী হইল শক্ত, দেখেন গোসাঁই ।  
 মহাদেব বলে পুত্র, চিন্তা কিছু নাই ॥  
 অন্নমণ্ড দেহ গিয়া সূতা শক্ত হবে ।  
 ইহাতে করিলে সূতা অবশ্য বহিবে ॥  
 শিবদাস কহিতে লাগিল ইহা শুনি ।  
 নারিব করিতে ইহা, শুন শূলপাণি ॥

অন্নমণ্ড দিলে হয় যবন আচার ।  
 কোন দেব মোর পুরে না যাইবে আর ॥  
 ইহা শুনি শূলপানি শিবদাসে কয় ।  
 সর্ব দেবে লয়ে যাব তোমার আলায় ॥  
 ইহা শুনি শিবদাস আনন্দ হইল ।  
 পুনর্ব্বার গিয়া সূতায় অন্নমণ্ড দিল ॥  
 তানাসানা নরাজ তুলিয়া তাঁতে লয় ।  
 খাটাইতে গেল তাঁত, টান নাহি হয় ॥  
 পশ্চাৎ কহিব আমি ইহার কারণ ।  
 আনন্দ করিয়া হরি, বল সর্ব্বজন ॥

মনদিয়া শুন সবে অপূর্ব্ব কথন ।  
 কুশাবতী গর্ভবতী হইল এখন ॥  
 এক, দুই, তিন, চারি, পাঁচ মাস গেল ।  
 ভবানী জানিয়া তাহা পঞ্চায়ত দিল ॥  
 ভাজা দিয়া আশীর্ব্বাদ করিলা ভবানী ।  
 প্রসাদ খাইল তবে শিবদাস রাণী ॥  
 দশ মাসে পুত্র প্রসবিল কুশাবতী ।  
 শিবদাস দেখি বড় হৈল হৃষ্টমতি ॥  
 এক, দুই, তিন, চারি, পাঁচ মাস গেল ।  
 ভোজন কারণ মহাদেবে জানাইল ॥

শূনি মহাদেব বড় আনন্দ হইল ।  
 হেনকালে নারদ মুনি, তথায় আইল ॥  
 নারদে দেখিয়া হর, কুতূহল মন ।  
 তাহারে কহিলা দেব, সব বিবরণ ॥  
 শূনি মহামুনি তবে আনন্দ হইল ।  
 মহাদেবে চাহি পুন কহিতে লাগিল ॥  
 ভোজনের দিন কর, কহেন তখন ।  
 ছয় মাসের মধ্যে হয় পুত্রের ভোজন ॥  
 ছয়, জানি হর পুন কহে তপোধনে ।  
 নিমজ্ঞণ দেহ তুমি অমরের গণে ॥  
 শূনি মহামুনিবর, চলিল তখন ।  
 ব্রহ্মাদি দেবতাগণে করে নিমজ্ঞণ ॥  
 আইলেন দেবগণ, বথায় শঙ্কর ।  
 শিব সবে লয়ে গেলা, শিবদাসের ঘর ॥  
 দেখি শিবদাস মনে আনন্দ হইল ।  
 পাদ্য অর্ঘ্য দিয়া সবে অর্চনা করিল ॥  
 দূর্ব্বাসনে বসিলেন যত দেবগণ ।  
 তব পুত্রে আন তুমি, বলে ত্রিলোচন ॥  
 ততক্ষণে শিবদাস পুত্রে আনিল ।  
 অনেক যৌতুক তবে দেবগণ দিল ॥



নানা দ্রব্য উপচার ভোজন করিয়া ।  
 আশীর্ব্বাদ করি গেল বিদায় হইয়া ॥  
 ক্রমে ক্রমে শিবদাসের অষ্ট-পুত্র হইল ।  
 মনের আনন্দ বড় হইতে লাগিল ॥

শিবদাস গেল পুন যেখানে গোসাঁই ।  
 কহিলা তাঁতেতে প্রভু, টান হয় নাই ॥  
 কেননে হইবে বস্ত্র না হইলে টান ।  
 ইহা শুনি স্মরে শিব, বীর হনুমান ॥  
 স্মরণ করিবা মাত্র মারুতি আইল ।  
 প্রণাম করিয়া কর পুটে দাণ্ডাইল ॥  
 কি কারণে মহাপ্রভু ডাকিলে আগারে ।  
 প্রভু কন যাহ তুমি তাঁত ধরিবারে ॥  
 এ কথা শুনিয়া হনু, তখনি চলিল ।  
 দক্ষিণেতে শিবদাসের তাঁত ধরিল ॥  
 টানিয়া ধরহ তুমি, কহিলা তাহায় ।  
 বলবান হনু টানে সূতা ছিঁড়িয়ায় ॥  
 সহজে টানহ তুমি হনুরে কহিল ।  
 একথা শুনিয়া হনু বড় নোল দিল ॥  
 তাহা দেখি শিবদাস ব্যজার হইয়া ।  
 হরের সাক্ষাতে পুনঃ উভরিল গিয়া ॥

করযোড় করি পুনঃ মহাদেবে কয় ।  
 হনুর ধরাতে প্রভু বস্ত্র নাহি হয় ॥  
 টানিতে বলিলে টানে বড় জোর দিয়া ।  
 সেই টানে যায় কত, সূতা ত ছিঁড়িয়া ॥  
 মহজ টানিতে বলি বড় নোল দেয় ।  
 হনুর ধরাতে বস্ত্র কভু নাহি হয় ॥  
 বস্ত্রী বিনে বস্ত্র প্রভু ধরিতে না পারে ।  
 কে আছে এমন যস্ত্রী, কহত আমারে ॥  
 ইহা শুনি মহাদেব বিশাই ডাকিল ॥  
 সেইক্ষণে আসি সেহ, প্রণাম করিল ।  
 হর কন বিশ্বকর্মা শুন মোর বাণী ।  
 শিবদাসের তাঁত গিয়া ধরহ আপনি ॥  
 যে আজ্ঞা করিলে তুমি দেব পঞ্চানন ।  
 মন দিয়া শুন কিছু মোর নিবেদন ॥  
 দেব সব অধিষ্ঠান আছেন তাঁতেতে ।  
 তেজারণে প্রভু বড় ভয়লাগে চিতে ॥  
 ধরিতে নারিব তাঁত বসিয়া থাকিলে ।  
 তবে তু ধরিব তাঁত অর্দ্ধেক পুঁতিলে ॥  
 গলে দড়ী দিয়ে মোর বান্ধিয়া রাখিবে ।  
 মনমত টান, নোল, করিতে পারিবে ॥

## শ্রীবিষকর্মা ।

আর এক নিবেদন তোমার গোচরে ।  
শিবদাস তাহা যদি অঙ্গীকার করে ॥  
কান্দানলী, জোল-পাটী, নাতা, মুখে দাগ ।  
ইহাতো রাখিয়া তাঁতি না করিবে ত্যাগ ॥  
কান্দানলী, দাগ বুনি ফিরাইয়া পাটী ।  
খিল নোল দিয়া তাঁতি যাইবেক উঠি ॥  
পৌষ মাসের শুক্লপক্ষ তিথি যে নবমী ।  
সেই দিন বিশ্বনাথ জন্মিয়াছি আমি ॥  
জন্মতিথি দিনে যদি মোর পূজা করে ।  
অবশ্য লইব ভার তোমার গোচরে ॥  
শুনি গঙ্গাধর পুন্ম শিবদাসে কয় ।  
পাঁচকর্ম করিবারে তোমায়ে যে হয় ॥  
অবশ্য করিব বলি কহে শিবদাস ।  
শুনিয়া আনন্দ বড় হৈল কৃতিবাস ॥  
বিষকর্মা লয়ে তবে শিবদাস গেল ।  
আপন দক্ষিণ-ভাগে অর্ধেক পুঁতিল ॥  
গলোতে বান্ধিয়া দড়ী খিলনোল দিল ।  
অবল্ল হইল তাঁত বুনিতে লাগিল ॥  
স্নান করিবারে দুর্গা করিল গমন ।  
মনে করেন দেখে যাই কেমন বসন ॥

টাটীতে করিয়া ছিদ্র পুরিল অঙ্গুলী ।  
 বসন দেখিয়া মাতা স্নানে গেল চলি ॥  
 স্নানকরি মহামায়া ঘরেতে আইল ।  
 পুনরপি গঙ্গাধর স্নানেতে চলিল ॥  
 তাঁতেতে সুন্দর তার আলো নাহি হয় ।  
 বিস্তর ছাঁড়ল সূতা ভাবিত হৃদয় ॥  
 তাঁতে বসি শিবদাস ভাবিতে লাগিল ।  
 ক্লান্তিবাস হেনকালে দেখিতে আইল ॥  
 শিবদাস মাহাদেবে দেখিতে পাইয়া ।  
 টাটী-দ্বার খসাইয়া যায় পলাইয়া ॥  
 কহে শিব শিবদাসে, যাহ কোথাকারে ।  
 কি হেতু পলাও তুমি কহত আমারে ॥  
 শুনি শিবদাস আর যাইতে নারিল ।  
 সেইখানে থাকি কথা কহিতে লাগিল ॥  
 অন্ধকারে তাঁতে কিছু দেখিতে না পাই ।  
 তে কারণে প্রভু আমি পলাইয়া যাই ॥  
 শিব বলেন দিব্যালো তোমার তাঁতেতে ।  
 তবে কেন পার নাই বসন বুনিতে ॥  
 শিবদাস পুনরপি ফিরিয়া আইল ।  
 সুন্দর হয়েছে আলো দেখি হৃষ্ট হৈল ॥

কহিতে লাগিল প্রভু এমত না ছিল ।  
 পলাইয়া গেলাম তেই সুন্দর হইল ॥  
 শিবদাসের কথা শুনি প্রভু কন তবে ।  
 তাঁতের দক্ষিণে এক গবাক্ষ রাখিবে ॥  
 শুনি শিবদাস তবে স্বীকার করিল ।  
 আলো পেয়ে তাঁত ভাল বুনিতে লাগিল ॥  
 স্নানকরি গঙ্গাধর পুরে প্রবেশিল ।  
 তিন দিনে বস্ত্রখানি বুনিতে লাগিল ॥  
 তিনদিনে বস্ত্রখানি বুনা হইল ।  
 বস্ত্র লয়ে শিবদাস গমন করিল ॥  
 যেখানে বসিয়া হর গোঁরী দুই জন ।  
 দেখিয়া দৌহার বড় আনন্দ বদন ॥  
 বসিতে বলিয়া কাষ্ঠ আসন উপরে ।  
 দুইজনে উঠি গেলা পুরির ভিতরে ॥  
 বস্ত্র পরি ভুবানীর আনন্দিত মন ।  
 কিবা দিব শিবদাসে ভাবেন দুজন ॥  
 পার্শ্বতী কহেন প্রভু যুক্তি কহি আমি ।  
 কনক-পইতা দেহ শিবদাসে তুমি ॥  
 শুনি তবে দিগম্বর হল আনন্দিত ।  
 গণেশ বলিয়া তিনি ডাকেন স্বরিত ॥

## ত্রিবিম্বকন্দা ।

হেথা সব দেবগণে করে অনুমান ।  
কতদিনে হইবেক বস্ত্রের নির্মাণ ॥  
ভাবিয়া দেখিল মনে বসন হইল ।  
নাহাদেব-গৌরী স্থানে দিতে লয়ে গেল ॥  
বড় হুঙ্ক হৈল দৌহে বসন পাইয়া ।  
ব্রাহ্মণ করিবে তারে স্বর্ণ-পৈতা দিয়া ॥  
ইহা জানি দেবগণ ভাবিতে লাগিল ।  
ব্রাহ্মণ হইলে তবে বস্ত্র না হইল ॥  
কোনমতে শিবদাস পৈতা নাহি পায় ।  
ইহার কারণ এক করহ উপায় ॥  
ইহার ভাবনা সবে করিতে লাগিল ।  
হেনকালে নারদ মুনি তথায় আইল ॥  
নারদে দেখিয়া বড় আনন্দ হইল ।  
তাহারে সকল কথা কহিতে লাগিল ॥  
শুনিয়া নারদ কন আমি তথা যাব ।  
কনক-পইতা তথা প্রকারে লইব ॥  
তার পর বিশ্বনাথ বর তারে দিবে ।  
একখানি বস্ত্র বুনি বার বৎসর খাবে ॥  
এই হেতু সরস্বতী তথাকারে যাও ।  
তার তুণ্ডে বসি এই বাক্যত বলাও ॥

'কুশাবতী মনে আমি মন্ত্রণা করিব ।  
 তব কাছে আসি পুনঃ বর মাগি লব' ॥  
 ইহা শুনি দেবগণ, দৌহে পাঠাইল ।  
 ছরাস্বর দৌহে তবে কৈলাসেতে গেল  
 নারদ চলিয়া গেল পুরির ভিতর ।  
 শিবদাস বসি যথা পিঁড়ির উপর ॥  
 শিবদাস সম্মুখেতে নারদে দেখিয়া ।  
 বসিবারে দিল পিঁড়ি আপনি উঠিয়া ॥  
 পিঁড়ির উপরে গিয়া নারদ বসিল ।  
 শিবদাস ভ্রমে তখন বসিয়া রহিল ॥  
 হেনকালে লম্বোদর হরের নিকটে ।  
 কি আজ্ঞা বলিয়া তখন রহে করপুটে ॥  
 কনক-পইতা হর লম্বোদরে দিয়া ।  
 পিঁড়িতে যে বসিয়াছে তারে দেহ গিয়া  
 ইহা শুনি লম্বোদর বাহির হইল ।  
 নারদে পইতা দিয়া গণেশ চলিল ॥  
 পইতা পাইল বদি মুনি তপোধন ।  
 মনস্কাম পূর্ণ হইয়া চলিল তখন ॥  
 পুনরপি সেই মুনি আচার্য্য হইয়া ।  
 কুশাবতী নিকটেতে উত্তরিল গিয়া ॥

পঞ্জিকা পাড়িয়া রাশি গণিতে লাগিল ।  
 কতকগুলি আঁক, জোঁক ভ্রমেতে কাটিল ॥  
 খড়ী হাতে দিয়া বলে এক ঘরে রাখ ।  
 নির্ণয় করিয়া গণি বসে তুমি দেখ ॥  
 ইহা শুনি এক ঘরে খড়ীত রাখিল ।  
 তাহা দেখি গ্রহবিপ্র মাথে হাত দিল ॥  
 দেখি কুশাবতী পুনঃ জিজ্ঞাসে তাঁহারে ।  
 বড় অমঙ্গল দেখি কহে মৃত্যুঘরে ॥  
 শিবদাস গিয়াছেন বস্ত্র হরে দিতে ।  
 বড়ই বিপাক দেখি তাহার বরেতে ॥  
 এক গানি বস্ত্র তুমি যার বৎসর খাবে ।  
 তবে তব পুজগণ বুনিতে নারিবে ॥  
 এ বর ছাড়িয়া যদি মাগ অন্য বর ।  
 কার্যোতে পারক হবে তোমার কোঙর ॥  
 কহ কহ গ্রহবিপ্র জিজ্ঞাসি যে আমি ।  
 কোন্ বর মাগি লব আজ্ঞা কর তুমি ॥  
 ইহা শুনি গ্রহবিপ্র কহিতে লাগিল ।  
 নিত্য বুনি নিত্য খাই এই বর ভাল ॥  
 আর এক কথা তুমি শুন কুশাবতী ।  
 চাল, ডাল কিছু তুমি আন শীত্ৰগতি ॥



গ্রহ-দৃষ্টি আছে তাহা করিব খণ্ডন ।  
 পরামর্শে শিবদাস আসিবে এগন ॥  
 শুনি কুশাবতী শীঘ্র চাল, ডাল দিল ।  
 হড়বড় করি কত বকিতে লাগিল ॥  
 কতক্ষণে কহে বিপ্র কুশাবতী ঠাই ।  
 গ্রহ খণ্ডাইনু আমি চিন্তা কিছু নাই ॥  
 ইহা শুনি গেলা বিপ্র বিদায় হইয়া ।  
 দেখিলেন শিবদাস আছেন বসিয়া ॥

কহ শিবদাস বসিয়াছ কি কারণ ।  
 এতক্ষণ গৃহে তুমি না করে গমন ॥  
 বসিতে বলিয়া প্রভু কার্যো গেলে তুমি ।  
 কেমন করিয়া প্রভু উঠে যাব আমি ॥  
 হর কন তোমায় আমি বিদায় করিনু ।  
 গণেশের হাতে দিয়া পৈতা পাঠাইনু ॥  
 শিবদাস বলে পুন শুনহ গোসাঁই ।  
 নারদে পইতা দিল মোরে দিলা নাই ॥  
 ইহা শুনি মহাদেব মনেতে ভাবিল ।  
 দেব-চক্রে শিবদাস পৈতা না পাইল ॥  
 শিবদাসে বলে হর বর মাগ তুমি ।  
 বার বৎসর বসে থাকে বুনি এক খানি ॥

## শ্রীবিষ্ণুকর্ষ ।

তবে সরস্বতী তার জিহ্বাগ্রেতে বসি ।  
কহিলেন ঘর হইতে যুক্তি করি আসি ॥  
ঈহা বলি শিবদাস গৃহেতে চলিল ।  
কুশাবতী স্থানে সব কহিতে লাগিল ॥  
শুনি কুশাবতী পুনঃ লাগিল কহিতে ।  
পুত্রাকর্ষণ্য হেতু চাহ এই বর নিতে ॥  
শিবদাস কহে প্রিয়ে জিজ্ঞাসি তোমাতে  
কোন্ বর লব কহ প্রভুর গোচরে ॥  
তদন্তরে কুশাবতী কহিতে লাগিল ।  
নিত্য বুনি নিত্য খাই এই বর ভাল ॥  
এইবর লহ তুমি প্রভুর গোচর ।  
তবে ত পারক হবে সকল কোঙর ॥  
ঈহা শুনি শিবদাস পুনর্বার গেল ।  
প্রণাম করিয়া হরে কহিতে লাগিল ॥  
মোর বাক্য অবধান করহ গোমাই ।  
যে বর কহিলে তুমি তাতে কাজ নাই ॥  
তোমার সমীপে প্রভু এই বর চাই ।  
প্রত্যাখ্যি বুনি রস্ত্র প্রত্যাখ্যি খাই ॥  
তথাস্তু বলিয়া হর ভাবে মনে মনে ।  
শিবদাসে বিড়ম্বনা কৈল দেবগণে ॥

বর লয়ে পুন গৃহে করিল গমন ।

কুশাবতী বলে ভাল হইল এখন ॥

তদন্তরে কুশাবতী কহিতে লাগিল ।

বিষ্মকর্ম্মার জন্মতিথি নবমী আইল ॥

ইহার কারণ মোরে কহ দেখি তুমি ।

সম্বল কিছুই তব নাহি দেখি আমি ॥

ইহা শুনি শিবদাস মনেতে ভাবিল ।

বাকলে হড়ম পাটী বাঁন্ধিয়া লইল ॥

সদাকর কাছে গিয়া হৈল উপনীত ।

সম্ভাষ করিল। তারে যেমন বিহিত ॥

আইস আইস বলি তারে বসিতে বলিল ।

কি হেতু আইলা তুমি সাধু জিজ্ঞাসিল ॥

বস্ত্র বান্ধা রাখি শত তক্ষা দেহ মোরে ।

এই হেতু আইলাম তোমার গোচরে ॥

সাধু কয় অপ্রত্যয় নাহি করি আমি ।

যত চাহ তত তক্ষা লয়ে যাহ তুমি ॥

শিবদাস কয় আমি অমনি না লব ।

বন্ধক রাখহ বস্ত্র কালি উদ্ধারিব ॥

ইহা শুনি শত তক্ষা বস্ত্র রাখি দিল ।

তক্ষা লয়ে শিবদাস কহিতে লাগিল ॥

## ত্রিবিধকথা ।

শুন সদাকর মোর এক নিবেদন ।

খুলিয়া না দেখো ইহা বিষ্ণুর বসন ॥

তার কাছে শিবদাস বিদায় হইয়া ।

নানা দ্রব্য উপহার লইল কিনিয়া ॥

দিবা অবসানে আসি ঘরে উত্তরিল ।

দেখি কুশাবতী তবে কহিতে লাগিল ॥

যজ্ঞতিথি পূজা ইহা পূর্ব্বাহ্নিতে হয় ।

দিন গেল হল আসি সন্ধ্যার সময় ॥

শিবদাস বলে প্রিয়া যে কহিলে তুমি ।

ভালমতে সব তত্ত্ব জানি তাহা আমি ॥

দিবসের পূজা ইহা কভু মিথ্যা নয় ।

অনুসর ক্রমে আজি রজনীতে হয় ॥

ইহা শুনি কুশাবতী কহেন তখন ।

কোনমতে আনিলে এতেক আয়োজন ॥

পুনরপি শিবদাস কহে আর বার ।

পূজা-অস্ত্রে কব প্রিয়া সব সমাচার ॥

পূজার বতেক কথা কি কহিব আর ।

কত আয়োজন তাহে নানা উপচার ॥

পূজা-অস্ত্রে ঘরেতে বসিলা দুইজন ।

তঙ্কার বৃত্তান্ত তবে কহেন তখন ॥

শুনি কুশাবতীর মনে বড়ই ভাবনা ।  
 কেনবা করিলে কাজ মিথ্যা প্রবঞ্চনা ॥  
 যদি সেই বস্ত্র খুলি দেখে সদাকরে ।  
 ভণ্ড বলি প্রচারিবে সকল নগরে ॥  
 কোথা হতে সদাকরে আনি দিবে তঙ্কা  
 ইহার কারণ মোর বড় হয় শঙ্কা ॥  
 শুনি শিবদাস মনে বড় ভয় পেয়ে ।  
 কহিলেন হেথা হতে যাই পালাইয়ে ॥  
 ইহা শুনি কুশাবতী সায় তায় দিল ।  
 ঘরের সামগ্রী যত বাহির করিল ॥  
 যতেক পারিল তাহা সঙ্গেতে করিয়া ।  
 চলিলেন সর্ব জন শ্রীহরি বলিয়া ॥  
 শ্রীহরি বলিয়া যাত্রা করিল যখন ।  
 মনে মনে বিচার করেন নারায়ণ ॥  
 বিপত্তে পড়িয়া যদি স্মরণে আনায়ে ।  
 অবশ্য যাইব তারে ত্রাণ করি বারে ॥  
 যদি আমি এ সময়ে দয়া না করিব ।  
 তবে কেন মধুসূদন লোকে নাম লব ॥  
 ইহা ভাবি হৃদয় মধ্যে দয়া উপজিল ।  
 পূজার যতেক দ্রব্য রত্নময় কৈল ॥

সদাকর পাশে যেই হৃদয় পাটী ছিল ।  
 কাষ্ঠ ছাড়িয়া সেও বসন হইল ॥  
 শিবদাস ইহা মাত্র কিছুই না জানে ।  
 চলিল। ত্বরিত বড় ভয় পেয়ে মনে ॥  
 কত দূর এইরূপে গেলত চলিয়া ।  
 মন ফিরাইলা হরি নিজ মায়া দিয়া ॥  
 স্থগিত হইয়া পুন ভাবিতে লাগিল ।  
 চালের বাতায় সূতা অশোর হইল ॥  
 কুশাবতী বলে এই খানে থাক তুমি ।  
 ভরাকরি সূতা অশোর লয়ে আসি আমি ॥  
 শিবদাস বলে প্রিয়ে তুমি বসে থাক ।  
 সামগ্রী যতেক আর পুত্রগণে রাখ ॥  
 সকলে রাখিয়া তবে শিবদাস গেল ।  
 দূরে থাকি দেখিলেন ঘরে বড় আলো ॥  
 উপনীত হৈল গিয়া দুয়ারের কাছে ।  
 পূজার যতেক দ্রব্য রত্নময় হয়েছে ॥  
 দেখি শিবদাস বড় আনন্দ হইল ।  
 শীঘ্রগতি গিয়া কুশাবতীকে কহিল ॥  
 শুনি কুশাবতী বড় মনে আনন্দিত ।  
 না পলায়ে গৃহে পুন চলিল ত্বরিত ॥

আসিয়া দেখিল দিব্য সামগ্রী সকলে ।  
 কিসের ভাবনা আর দুইজনে বলে ॥  
 মনের হরিষে দৌছে রজনী বঞ্চিল ।  
 পরদিন শিবদাস রত্ন লয়ে গেল ॥  
 সদাকর স্থানে গিয়া হৈল উপনীত ।  
 দেখি সদাকর বড় মনে আনন্দিত ॥  
 বসিতে বলিল তারে আসন উপরে ।  
 শিবদাস বসি তবে কহে সদাকরে ॥  
 শত তক্ষা লইলাম বস্ত্র বাক্সা দিয়া ।  
 আইলাম আজি আমি তাহার লাগিয়া ॥  
 রত্ন অনিয়াছি আমি মূল্য করি লহ ।  
 শত তক্ষা লয়ে মোরে আর সব দেহ ॥  
 শুনি সদাকর সেই রত্ন যে লইল ।  
 রত্ন দেখি সদাকর বলিতে লাগিল ॥  
 লক্ষ তক্ষা এই রত্নে মূল্য দিব আমি ।  
 কেমন করিয়া তক্ষা লয়ে যাবে তুমি ॥  
 শুনি শিবদাস মনে আনন্দ হইল ।  
 বলদ, শকটে তবে ডাকিয়া আনিল ॥  
 শিবদাস সদাকরে কহেন তখন ।  
 শত তক্ষা লয়ে মোরে দেহত বসন ॥

ইহা শুনি সদাকর কহিলেন তায় ।  
 মূল্য করি বস্ত্র খানি দেহত আশায় ॥  
 এই বস্ত্র কেমন বটে খুলি দেখি আমি ।  
 শিবদাস বলে বস্ত্র না খুলিহ তুমি ॥  
 তবু সদাকর বস্ত্র লাগিল খুলিতে ।  
 শিবদাস তাহা ধরি লাগিল টানিতে ॥  
 দৌহার টানেতে তবে বাকল খসি গেল ।  
 দৌহেতে দেখিয়া বড় আনন্দ হইল ॥  
 সদাকর পুন কয় শুন শিবদাস ।  
 বস্ত্র খানি দিয়া মোর পূর মনোআশ ॥  
 শিবদাস বলে ইহা বেচিতে নারিব ।  
 এই বস্ত্র দিয়া আমি শ্রীহরি তুষিব ॥  
 অন্তর্ধানী নারায়ণ জানেন সকল ।  
 মনে করে ইহা দিয়া তুষিব অনল ॥  
 হেথা সদাকর পুন কহিলেন তারে ।  
 পুনরপি বুনি বস্ত্র নারায়ণে দিবে ॥  
 ইহা শুনি শিবদাস কহেন তখন ।  
 লক্ষ তক্ষা মূল্য দিলে পাইবে বসন ॥  
 সদাকর কহিতে লাগিল ইহা শুনি ।  
 সত্তর হাজার লয়ে দেহ বস্ত্রখানি ॥



ইহা শুনি শিবদাস না করি স্বীকার ।  
 পুনরপি কহে দিব আশি যে হাজার ॥  
 তার পর কহিতে লাগিল শিবদাস ।  
 মিছা কেন বস্ত্র নিতে কর তুমি আশ ॥  
 ইহা শুনি সাধু কহে দিব নৈহাজার ।  
 সেইকালে কৃষ্ণ তারে করিল ব্যাজার ॥  
 ক্রোধকরি বলে, বস্ত্র তোমাতে না দিব ।  
 কচালে না ব্যবসা করি অনলে পোড়াব ॥  
 কৃষ্ণ সত্য সত্য সত্য আর সব মিছা ।  
 অবশ্য হইবে যাহা ঈশ্বরের ইচ্ছা ॥  
 সাধু বলে এই বস্ত্র পোড়াইবে তুমি ।  
 লক্ষ তঞ্চ ছড়াইয়ে ফেলে দিব আমি ॥  
 কৃষ্ণ বলি শিবদাস বস্ত্রে আগুন দিল ।  
 সন্মাকর লক্ষ তঞ্চ ছড়ায়ে ফেলিল ॥  
 এই কথা প্রচার হইল সর্ব ঠাঁই ।  
 ধন্য ধন্য শিবদাস বলেন সবাই ॥  
 সন্মাকর লক্ষ তঞ্চ ছড়ায়ে ফেলিল ।  
 তবু শিবদাস সহ তুলনা না হল ॥  
 শত-কম লক্ষ তঞ্চ দিল সন্মাকর ।  
 বসুদে শকটে পুরি চলিলেন ঘর ॥

কুশাবতী শুনি তবে আনন্দিত মন ।  
 ঘরের ভিতর লগ্নে রাখিলেন ধন ॥  
 এইরূপে দুইজনে মনে বড় সুখী ।  
 কুশাবতীর দুঃখ হৈল পুত্র-মুখ দেখি ॥  
 বিবাহের কথা শিবদাস নাহি কয় ।  
 মনে মনে কুশাবতী ভাবিত হৃদয় ।  
 রহিতে নারিল সদা দুঃখ উঠে মনে ।  
 স্বামীরে কহিতে গেল। গ্রন্থকার ভনে ॥

করিয়া প্রণতি, কহে কুশাবতী,  
 শিবদাস বিদ্যমান ।  
 পুত্রগণ যত, হল উপযুক্ত,  
 তাহে কর অবধান ॥  
 অকৃত কোঙর, দেখিতে সুন্দর,  
 বিভা যোগ্য সবে হৈল ।  
 ভাবি এই দুঃখ, চিতে নাহি সুখ,  
 মরমে মরিতে হৈল ॥  
 বিবাহ কারণ, কন্যা অন্বেষণ,  
 নাহি কেন কর তুমি ।  
 চেষ্টা না করিলে, নিশ্চিন্ত রহিলে,  
 তেঁই তোমায় কহি আমি ॥

আমি বামাজাতি, ঘরে মোর স্থিতি,

গৃহ-কর্ম মাত্র সার।

তুমি বর্ত্তমানে, যাব কার স্থানে,

কেবা সহে এই ভার ॥

শিব পিতামহ, ব্রহ্মা মাতামহ,

জনক সাক্ষাত তুমি।

এ সব থাকিতে, নাহি কর চিন্তে,

কি আর কহিব আমি ॥

এ কথা শুনিয়া, সলজ্জ হইয়া,

তারে কহে শিবদাস।

ইহার কারণ, যাব শত্ৰু স্থান,

কহিব তাহার পাশ ॥

তবে শিবদাস, যথা কৃতিবাস,

উপনীত তথা হৈল।

প্রণাম করিয়ে, করঘোড় হয়ে

সম্মুখেতে দাণ্ডাইল ॥

সদাশিব কয়, শুনরে তনয়,

কি হেতু আগম হেথা।

আগম কারণ, করিব শ্রবণ,

মোরে কহ সেই কথা ॥

মান-মুখ দেখি, কোন হেতু দুঃখী  
শীঘ্র মোরে কহ তুমি।

তব দুঃখ দেখি, নহি কিছু সুখী,  
হৃদে ব্যথা পাই আমি ॥

কান্দিতে কান্দিতে, প্রভুর সাক্ষাতে  
শিবদাস নিবেদয়।

আমার ভারতী, কর অবগতি  
দেব দেব যত্নাঞ্জর ॥

তব স্তত দৃষ্ট, পুত্র হৈল অক্ট,  
আনন্দের নাহিক ওর।

বিবাহ কারণ, নাহি কর মন,  
নিজ কৰ্ম্ম ফল মোর ॥

তোমা বিনে মোর, কেবা আছে আর  
বল যাব কার স্থানে।

অন্যের সাক্ষাতে, এ কথা কহিতে,  
লজ্জা পাই বড় মনে ॥

বুঝি কার্য্য রীতি, যা হয় উচিত,  
শীঘ্রগতি কর তুমি।

তোমার চরণে, এই নিবেদনে,  
সকল বলিষু আমি ॥

শুনি ত্রিলোচন, কহেন তখন,

এ কণ্ঠ আমার হয় ।

শিবদাস প্রতি, কহে পশুপতি,

নাহি কিছু তব ভয় ॥

যজ্ঞেতে আমার, জনম তোমার,

ব্রহ্মা যজ্ঞে কুশাবতী ।

দিগম্বর কয়, তোমার তনয়,

উভয় কলের নাতি ॥

তোমার দোসর, নাহি দেখি আর,

কুটুম্বের যজ্ঞ হয় ।

কার কন্যা আনি, করাব গৃহিণী,

হতেছে ভাবিত হৃদয় ॥

এতক ভাবিতে, সুখ নাই চিতে,

মন উচাটন হৈল ।

হেনকালে তথা, শিখর ছুহিতা,

আসি উপনীত হৈল ॥

বীরস বদন, । দেখি পঞ্চানন,

শঙ্করী তখন কয় ।

কিসের কারণ, উচাটন মন,

মোর কহ মহাশয় ॥

তবে পঞ্চানন,      সর্ব রিবরণ,  
কহেন তার মাফাতে ।

শুনিয়া কারণ,      অভয়া তখন,  
পুনঃ কহে যোড় হাতে ॥

তুমি মৃত্যুঞ্জয়,      কারে তব ভয়,  
নাহি এ চৌদ্দ ভুবনে ।

অনুপকারণে,      ভাব এতক্ষণে,  
এই সে বিস্ময় মনে ॥

পুত্রগণ লয়ে,      করাতে চিরিয়ে,  
একে কর ছুইখান ।

মনে ভাবকরি,      কর পুরুষ নারী,  
পুনঃ দেহ প্রাণ-দান ॥

দক্ষিণ অঙ্গে তার, পুরুষ অবতার,  
বামে হব নারীগণ ।

এক অঙ্গ হতে, হব দুই মর্তে,  
তাতে কর সংঘটন ॥

কহিলা ভবানী, শুনি শূলপাণি,  
• আনন্দ বড়ই হৈল ।

তাই তাই বলি; ত্রিদিব-ত্রিশূলী,  
ভবানীরে সায় দিল ॥

কহে কুন্তিবাস, শুন শিবদাস,

তোমাঝে কহি যে আমি ।

মোর বোল ধর, এক ঘর কর,

চারি দ্বার রাখ তুমি ॥

দুয়ার মধ্যেতে, রাখিবে করাতে,

তাতে চিরি হবে বার ।

দুইখানে তবে, নারী পুরুষ হবে,

মোর বাক্য সারোদ্ধার ॥

এতেক শুনিযে, হরষিত হয়ে,

শিবদাস তবে যায় ।

শঙ্করী শঙ্কর, দৌহে একত্তর,

বন্দিল দৌহার পায় ॥

আপন ভবনে, করি আগমনে,

উপনীত তবে হৈল ।

সকল ভারতী, শুনি কুশাবতী,

তাহাতে শাস্বায় দিল ॥

মনোহর ঘর এক নির্মাণ করিয়া ।

কহিল। বৃতান্ত সব পুত্রেতে ডাকিয়া ॥

এই ঘর মধ্যে তোরা প্রবেশিয়া সবে ।

করাতে চিরিয়া মাত্র বাহির হইবে ॥

দুইখান হৈলে তবে নারী পুরুষ হবে ।  
 হর-বাক্য সারোদ্ধার খণ্ডন না হবে ॥  
 ইহা শুনি চারি ভাই মনে ভয় পেয়ে ।  
 নারিল করিতে তারা, গেল পলাইয়ে ॥  
 চারিজন পলাইল চারি<sup>ক</sup> যে রহিল ।  
 যোড়হাত করি তারা কহিতে লাগিল ॥  
 মোরা সব প্রবেশিব ঘরের মধ্যেতে ।  
 মরি বা জীইবা পাছে যা থাকে ভালেতে ॥  
 ইহা শুনি চারি ভাই গৃহে প্রবেশিল ।  
 করাতে মস্তক দিয়া বাহির হইল ॥  
 মধ্যে মধ্যে চিরিয়া হইল দুইখান ।  
 মৃত্যুঞ্জয় আজ্ঞাতেই সঞ্চারিল প্রাণ ॥  
 দক্ষিণে পুরুষ তার বামে নারী হৈল ।  
 এক অঙ্গে এই রূপে নারী পুরুষ কৈল ॥  
 দেখি শিবদাস বড় আনন্দিত মন ।  
 কুশাবতীর প্রতি চাহি কহেন তখন ॥  
 পলাইয়া গেল যারা মোর পুত্র চারি ।  
 পুত্র বলি তারে আমি গণনা না করি ॥  
 এই চারি পুত্র মোর হৈল বংশধর ।  
 পাঠাইয়া দিব মোরা মর্ত্যের ভিতর ॥



মর্ত্যলোকে গিরা সব বসন বুনিবে ।  
 নর লোকগণ তবে বসন পাইবে ॥  
 ইহা শুনি কুশাবতী আনন্দ হইল ।  
 যাহা তব মনে লয় করহ বলিল ॥  
 শিবদাস চারি পুত্রে কহেন তখন ।  
 মোর বোলে মর্ত্যলোকে করহ গমন ॥  
 যে আজ্ঞা বলিয়া তারা করিল স্বীকার ।  
 শিবদাস কহিতে লাগিল আর বার ॥  
 পূর্বদিকে বন্দিরাম তুমি যে থাকিবে ।  
 মোর বোলে মধুসূদন পশ্চিমে যাইবে ॥  
 উত্তরেতে উদ্ধবেরে পাঠাইয়া দিল ।  
 বাম্য-দিকে জনার্দনে শেষেতে কহিল ॥  
 ইহা শুনি চারি ভাই প্রণাম করিল ।  
 শ্রীহরি স্মরণ করি গমন করিল ॥

এখন কহি যে তাহা করহ শ্রবণ ।  
 পলাইয়া গেলে যেই ভাই চারি জন ॥  
 একজন জল মধ্যে পড়েন বাঁপিয়া ।  
 তে কারণে নাম তার বাঁপান্নে বেনিয়া ॥  
 আর এক জন গিয়া কোঠরে রহিল ।  
 তে কারণে নাম তার কুঠরিয়া হইল ॥

শরবনে লুকাইয়া রহে এক জন ।  
 সরকা বেনিয়া বলি হইল ঘোষণ ॥  
 পাটবনে এক জন লুকায়ে রহিল ।  
 সকলে পেগন বলি তাহারে কহিল ॥  
 চারি জনার কথা এই সংক্ষেপে কহিনু ।  
 বিস্তর করিয়া তাহা বলিতে নারিনু ॥  
 আর চারি ভাই যারা আইলা অবনী ।  
 একে একে বলি শুন তাহার কাহিনী ॥  
 পূর্বদিকে বন্দিরাম গোবিন্দ বলাইল ।  
 পশ্চিমেতে মধুসূদন মধ্য-কূল হৈল ॥  
 দক্ষিণেতে জনার্দন দক্ষিণ বলিয়া ।  
 উত্তরেতে উদ্ধবেরে উত্তর কহিয়া ॥  
 এইরূপে চারি ভাই চারি কূল হৈল ।  
 কতদিনে কুশাবতী শিবদাসে কৈল ॥  
 পুত্রগণ পাঠাইলা মরত ভুবন ।  
 নাহি দেখি নাহি শুনি আছয়ে কেমনে ॥  
 একবার তা সবারে দেখিতে যুয়ায় ।  
 আমারে লইয়া তুমি চলহ তথায় ॥  
 ইহা শুনি শিবদাস কহিতে লাগিল ।  
 তুমি যে কহিলা তাহা মোরমনে ছিল ॥

চল দৌহে যাই তবে মরত ভুবন ।  
 হৃদয় জুড়াবে মোর দেখি পুত্রগণ ॥  
 ইহা শুনি কুশাবতীর হৃষ্ট হইল মন ।  
 শ্রীহরি বলিয়া দৌহে করিল গমন ॥  
 উপনীত হৈল আসি মরত ভুবন ।  
 প্রথমেতে গেল বন্দিরামের সদন ॥  
 দেখিয়া তাঁহার নারী কহে স্বামী স্থানে ।  
 মাতা পিতা আইল তব দেখ বিদ্যমানে ॥  
 শুনিমাত্র বন্দিরাম তখনি উঠিল ।  
 ভূমেতে পড়িয়া পদতলে প্রণমিল ॥  
 স্ত্রীগণ জল আনি দৌহার পদে দিল ।  
 দিব্যাসন আনি তাতে বসায় রাখিল ॥  
 বন্দিরাম বলে আজি গোর সুপ্রভাত ।  
 তেফারণে হেথায় আইলা তাত মাত ॥  
 শিবদাস বলে কহ আপন কল্যাণ ।  
 তাহা শুনি আমাদের জুড়াক পরাণ ॥  
 বন্দিরাম বলে পিতা কর অবধান ।  
 তোমাদের আশীর্ব্বাদে সকল কল্যাণ ॥  
 এ কথা শুনিয়া দৌহে মনে প্রীতি পাইল  
 আশীর্ব্বাদ করি পুন গমন করিল ॥

পশ্চিমেতে মধুসূদন আছন্দে যথায় ।  
 পুনরপি দৌহে গিয়া উত্তরে তথায় ॥  
 দেখিয়া তাঁহার বড় আনন্দ হইল ।  
 সেইরূপে সেবা ভক্তি সেহত করিল ॥  
 তারে আশীর্বাদ দিয়া করিলা গমন ।  
 উত্তরেতে উদ্ধবেরে দিলা দরশন ॥  
 মাতা পিতা দেখি বড় আনন্দ হইল ।  
 সেবা ভক্তি দৌহাকারে বিধি মতে কৈল ॥  
 তারে আশীর্বাদ দিয়া করিল গমন ।  
 দক্ষিণেতে জনার্দনে দিলা দরশন ॥  
 পিতা মাতা দেখি দৌহে আনন্দ হইল ।  
 কতদিন দুই জন তথায় রহিল ॥  
 শিবদাস বলে তবে কুশাবতী স্থান ।  
 পুত্রগণে দেখি মোর জুড়াইল প্রাণ ॥  
 কৈলাসেতে যাব চল বিলম্ব না সয় ।  
 যে আজ্ঞা বলিয়া তবে কুশাবতী কয় ॥  
 পুত্রগণে আশীর্বাদ করিলা গমন ।  
 কৈলাস পর্বতে পুন গেল দুই জন ॥  
 কৃষ্ণ কৃষ্ণ বল ভাই কৃষ্ণ বল মুখে ।  
 তরিবে শমন দুঃখ বৈকুণ্ঠে যাবে স্তখে ॥  
 এতদূরে 'শ্রীবিষ্বকর্মা' সমাপ্ত হইল ।  
 দোষ ত্যজে গুণ লয়ে হরি হরি বল ॥

• গ্রন্থ সমাপ্তোহয়ং ।







